

Transparency
International tassaavoq
nunarsuarmi peqquserlulluni ilua-
naarniarnermut akiuisuni suliniaqatigiiffik
annersaat. Suliniaqatigiiffik 100-nik sinnilinnik
nunarsuarmi immikkoortortaqqarfearpoq Berlini-
milu allattoqqarfearluni. Peqquserlulluni iluanaar-
niarluni ajornartorsiutit pillugit uppernarsaallutalu
eqqumaffigineqarnerulernissaa sulissutigaarput;
naalagaaffiit, inuussutissarsiornermik suliallit
inuiaqatigiillu suleqatigaagut peqquserlulluni
iluanaarniarnermik akiuisunik aqqis-
suussanik atortuulersitiniarnermik
suliaqarluta.

UKIUMOORTUMIK NALUNAARUSIAQ 2020

SIULEQUT

2020 Coronap ukiorisimavaa. Ukioq eqqissisimasumik aalartikkaluarpog, kisianni ataatsimeersuarnissamut qaaqqusinaleratta, takusinnaalereerparput peqataasinnaasut tungaatigut killersuisoqarmat unamminartorsioortussangorluta. Ataatsimeersuarnissaq maajimut kinguartinneqarpoq, tassanilumi ingerlapparput, siulersuisussatsinnillu nutaanik toqqaalluta.

Ajoraluartumik peqquserlunermik akiuiniartut Seoulimi ataatsimeersuaqatigiinneranni peqataangitsooriarluta aamma Berlinimi immikkoortotaqarfiit ilaasortaminnik ataatsimeersuaqatigisinerannut peqataangitsooraluarluta teams-ikkaarluni ataatsimeeriaatsit ilikkarpagut!

Transparency Internationalip 2020 ingerlasoq 2021-2030-mut iliuusissiani piareepaa. Attaveqaatit aqquqigalugit november qaammat ataatsimeeqatigiittoqarnerani iliuusissaq kiisami akuerineqarpoq. Transparency International ukiu-moortumik ataatsimeersuarnermi peqataavoq.

Ukiariartuani ulapissimaqaagut, soqutiginnittorisinnaasatsinnik paasiniaaqqissaarsimavugut, Transparency International Greenlandimut iliuusissap 2021-2025, sananissaa sioq-qullugu piareersareernikuusatsinnik. Iliuusissaq suliarput tulluusimaarutigeqaarput qilanaarpugullu suliaqarnitsinni malittarinissaanut.

Ukiup naajartornerani isummanik misissuivugut Global Corruption Barometerimik taaguutilik nunarsuaq tamakkerlugu qanoq ileqqorluuteqartoqartigineranik atorlugu, misissuinita inerneru siulliit tusagassiuutitigut juulleriarortoq nalunaarutigaagut.

Suliniuterput qimannagu ingerlateqqiinnarparput tassaasoq inuiaqatigiinni sutigut tamatigut akimut ersittumik ingerla-

soqalernissap isumaanik paasisitsiniuteqartuarnissarput. Taamaattumunguna ukiup ingerlanerani immitsinnut neqerootigisarlutalu katerittoqarfinni oqalliffinni peqataasaqat-taartartugut.

Ukiup ingerlanerani tusagassiuutitigoortut suliassat arlaqarsimapput, TIG-p oqaaseqarfigisai, apersorneqarnerit ataatsimullu isigalugu pinerluttulioortoqarsimatillugu tusagassiuutit isumassortarsimavugut qanoq qanorlu iliorlutik tamakku tungaasigut nutaarsiassalerinikkut iliuuseqartarsinnaanersut. Taakku saniatigut, nunatsinni avataanilu ilinniartunit nunallu allat nutaarsiassaqaqarfiinit, TIG apeqqarissaarfigineqartarsimavoq.

Ajoraluartumik, Kalaallit Nunaata Naalagaaffiit Peqatigiit peqquserlulluni iluanaarniapiluttarnermut akiuiniarnissamigut Isumaqaqatigiissusiaanut kiisalu Århusimilu Isumaqaqatigiissut, 2020 ilannguffissarisimangilaa. Aningaasaqarnermulli Naalakkersuisoqarfimmit aallartisarneqartumik nuna tamakkerlugu Innarligassaanginnermik misissuisoqarpoq.

2021-mi suliniutiitta nangeqqinnissaannut qilanaarpugut. Suliassatsinnut annertuunut ilaavoq 2021-mi Global Corruption Barometer malillugu misissuinitanni inaarsaatit pingaarnerpaat, saqqummersinnissaat.

*Inussiarnersumik Inuulluaqqusilluta
Transparency International Greenlandimi siulersuisut*

*Birita í Dali, Anita Hoffer, Dora Drechsel,
Karen Heilmann Lennert, Anja Rindom Bøndergaard,
Christian P. Jerimiassen*

AQUTSISUT NALUNAARUSIAAT

SAMMISATTA PINGAARNERSAAT

Transparency International Greenland (TIG) suliniaqatigiiffi-uvoq sumulluunniit attuumassuteqanngitsumik suleriesilik, Kalaallit Nunaanni peqquserlulluni iluanaarniapilunnemut akiuisoq, Nunarsuaq tamakkerlugu akiuinaqatigiinnilu immikkoortotaqarfittut pinaveersaartitsisuulluni. TIG 2019-mi pisinnaatitaanermik, Transparency Internationalimii, tunineqaqqippoq akuerisaalluni immikkoortortatut ingerlaqqissinnaanermi.

Peqatigiiffiup siunertaraa peqquserlulluni iluanaarniarnerup akiornissaa, nunatta iluani nunarsuullu sinnerani, Transparency International suleqatigalugu. Peqquserlulluni iluanaarniarneq ima nassuiarneqarsinnaavoq, tatigineqarluni pissaaneqartinneqarnermi, pissarsiaqatiginiarlugu pissaanermik atornerluineq. Peqatigiiffiup peqquserluuteqartarnerit akiorpai ingerlatsinermi, suliffeqarfinni inuiaqatigiinnilu ammasumik periuseqarnissap anguniarneratigut peqquserlullunilu iluanaarniapilunnerit kingunipiluilu paasititsiniaanermigut.

Peqatigiiffik pisussaaffeqarpoq Transparency Internationalip najoqqutassai malissallugit inatsinik, allaffissornermi periut-sinik assigisaannillu malinnaalluarnermigut, suliniaqatigiiffinni namminersortuni pisortanillu ingerlanneqartuni, pissut-sit peqquserlunnemut siarsaataasinnaasut imaluunniit isiginngitsuusaarisut ersarissarnerisigut, kingornatigullu

sanngiissutaasinnaasut oqaatiginerisigut pitsanngorsaataasinnaasunillu siunnersuuteqarnermigut.

INGERLATAT ANINGAASAQARNIKKULLU PISSUTSIT INERIARTORNERAT

Ukiumi angusaq tassaavoq 89.857 kr.-inik amigartoorneq siorna 32.797 kr.-inik sinneqartoorfiusoq. Peqatigiiffiup aningaasaqarnera ilaatigut ilaasortat tunniussaannit ilaatigullu aningaasaateqarfinnit tunissuteqarnerit tunngaveqarpoq. GrønlandsBANKEN-ip inuussutissarsiortunut aningaasaateqarfia 125.000 kr.-inik tunniussaqrpoq suliniutinut allaffeqarfiullu ingerlanneqarnissaanut atugassanik, Tips-og Lottopulje aamma 90.000 kr.-inik siunertanut taaneqa-reersunut atugassanik aamma tunniussaqrarluni.

Suliaqartoqarluartarpoq siulersuisunilu ilaasortat akissarsiaqaratik nammineq kajumissusertik tunngavigalugu sulinerannit annerusumik tunngaveqarluni. Allaffeqarfik sapaatip akunneranut akunnerit 15-it akissarsiaqarluni sulisoqartarpoq. TIG-p periusissiaa Transparency Internationalip 2020-mut periusissaaniittunik najoqqutassanik tunngaveqarpoq.

TIG 2020-mi tusarniaanerni akissutinik 6-inik tunniussaqrpoq. Corona pissutaalluni killilersuinerit pequtugalugit ataatsimiinnerni tamanut ammasuni imaluunniit ataatsimeersuarnerni ornigulluni peqataasoqanngilaq.



Siulersuisut, marsi 2021

NALUNAARUSIAQ

SULIAT

Transparency International Greenland inuinnarnit amerlasuunik saaffigineqartarpoq, kisianni aamma tusagassiuutinit, suliat ataasiakkaat pillugit oqaaseqartitserusuttunik. TIG-illi suliat aalajangersimasut suliarineq ajorpai imaluunniit oqaaseqarfigineq ajorpai. Peqatigiiffik taama mikitigaluta periarfissaqanngilagut. Systemip arlaatigut peqquserluttoqarnissaanik sanngiiffiit tunngasunik uparuaanissatsinut nukivut atortarpavut.

CORONA PISSUTIGALUGU MATUSINEQ – TUNIILLAASSORTUNIK NAPPAANERSUAQARNERANUT INATSIT

Matusinerup nalaani matusinermut tunngaviusunik politikikkut aalajangiinerit sapinngisaq tamaat ammasuunissaat sulissutigaarput. Inatsisip tuaviuussap¹ innuttaasut pisinnaatitaaffiit qanoq isumaqassanersoq Naalakkersuisut Inatsisartullu inuiaqatigiinnut nassuiaanermi ersarsuunissaat pingaartissimavarput. Piffissap ilaani nalornisutigineqarami inatsit tuaviuussaq tunngavigalugu eqqartuussisumit akuerineqaaqanngikkaluarlutik politiit inuit angerlarsimaffiit isersinnaanissaannut, kaffisortitsisunik akerliussutsimilluunniit takutitsisut unitsinneqarsinnaanissaannut periarfissaqarnersut. Inuit inuunerannut kalluaangaatsiarsinnaagami, uagullu kaammattuutigaarput kingunerisa sapinngisaq tamaat ammasumik oqaatigineqarnissaat, taamaalillutik innuttaasut tamarmik inatsit tamakkerlugu ilisimalluassagaat. Taamaaliorpugut tusagassiuutinut, inuit attaveqatigiittarfiini ilaasortatsinnullu aqqqissuussaq "Kalaallit Nunaat Coronap nalaani" aqqutigalugu.

NAMMINERSORLUTIK OQARTUSSAT SULIFFEQARFIUTAANNI SIULERSUISUNI ILAASORTANIK TOQQAANEQ

2020-mi upernaakkut Namminersorlutik Oqartussat suliffeqarfiutaanni Illuut A/S-imi, Visit Greenland A/S-imi aamma Kalallit Airportsimi immikkut ittumik ataatsimeersuarnernut atatillugu ataatsimeersuarni siulersuisunilu ilaasortanik toqqaanerni Transparency International Greenlandip ammasumik periuseqartoqarnissaa kaammattuutigeqqippaa. Siulersuisuni ilaasortanik toqqaanermi ammasuunngitsumik periuseqarneq ajornartorsiutitaqarpoq, tassami peqquser-

luttoqarnernik pasinapilussinnaagami. Sutigut tamatigut ammasumik periuseqarnissaa kissaatigaarput, peqquserluluni iluanaarniapilunnernut kammalaatersornernullu akiuuttissaaq pitsaanerpaammat, taamaattumillu sapinngisamik ammasumik pisoqartarnissaa kissaatigisarparput – aamma siulersuisuni ilaasortanik toqqaanermi. Innuttaasut paasisinnaasariaqarpaat soq inuit taakku toqqaarneqarnersut, aammali toqqaarneqanngitsut paasisinnaasariaqarpaat soq taama pisoqarnersoq.



- Borgerne skal kunne forstå, hvorfor de her mennesker bliver valgt, men dem, der bliver fravalgt til posterne, skal også kunne forstå, hvorfor det er sket, siger formand for Transparency Greenland Anita Hoffer.

Foto: KNR

Transparency savner åbenhed om udpegning af bestyrelsesmedlemmer

Anita Hoffer KNR-imut 2020-mi aprilimi siulersuisuni ilaasortat toqqaarneqartarnerat pillugu oqaaseqarpoq.

2019-imi siulersuisuni ilaasortanik toqqaanermi ammasumik periuseqarnissamat siunnersuutivut qaqeqqittariaqalersimavavut. Uani nassaaarsinnaavat². Namminersorlutik Oqartussat januarimi 2021-mi nalunaarutigaa Ingerlatseqatigiiffinnut Allattoqarfik Namminersorlutik Oqartussat aktieselskabiini siulersuisunut tulluarsakkamik sulisussarsiortarfimmik ammasumik pilersitsisoq, nBoard suleqatigalugu. Taama iliorneq TIG-mit nersualaarparput tikilluaqqulugulu.

WHISTLEBLOWER-EQARNEQ

23. juni 2020 ulloq "World Whistleblowers Day" malunnartipparput whistleblowerit inuiaqatigiinni pingaarutaasa ersarissarnerisigut. Maanna Namminersorlutik Oqartussat aqqqissuussaqarput Namminersorlutik Oqartussani suli-

1 *Nappaatit tunillaassortut akiorniarlugit iliutsit pillugit Inatsisartut peqqussutaat Inatsisartut inatsisissaat nr. 1, 1. april 2020-meersoq*

2 <https://www.transparency.gl/wp-content/uploads/Offentligt-ejede-selskaber-i-Gr%C3%B8nland-.pdf>

sut unioqquitsinernik, kammalaatersornernik assigisaanillu nalunaaruteqarfigisinnaasaannik. Whistleblower-inik aaqjissuussaq Aningaasaqarnermut Sulisoqarnermillu Aqutsisoqarfiup ataani Naalakkersuisut Kukkuersuisoqarfiannut atavooq, Namminersorlutik Oqartussat ataanni aqut-sisoqarfimmi. TIG-mit isumaqarpugut taamatut suliffeqarfiup iluani aaqjissuussineq torrallataavallaanngitsooq. Tassa imaappooq sulisitsisoq whistleblowerreqarnermillu aaqjissuussaq immikkoortilluinarneqanngitsut. Aaqjissuussaq inunnit atornerqarmanngilaq. Taamaattumik aamma isumaqarpugut aaqjissuussap "illup" iluaniinnera siunertaanut naapertuutinnngitsooq, taama oqarpoq Birita í Dali, siulittaasooq, Sermitsiamut 23. juni 2020.

Transparency International Greenland Kalaallit Nunaanni whistleblowerreqarnermik aaqjissuussanut pitsanngorsaa-taasinnaasunik pingasunik siunnersuutissaqarpoq:

1. Naalakkersuisut/Inatsisartut inatsisiliussapput atuutisilerlugulu, inatsit isornartulinnik nalunaarutiginnittunik illersuisussamik.
2. Namminersorlutik Oqartussat, kommunit suliffeqarfiillu whistleblowerreqarnermik aaqjissuussissapput allanit isumagineqartussamik
3. Kikkut tamarmik pissutsinik isornartunik inatsisinilluunniit unioqquitsiffiusunik ilisimasaqartut uparuaasasapput.

KALAALLIT NUNAANNI INUIT PISSAANEQARNERPAAT KIKKUENERINIK ALLATTUINEQ

Kalaallit Nunaanni inuit pissaanillit kikkunerinik allattuineq ilisimatuunit assigiinngitsunit suliarineqarpoq, februar 2019-imit februar 2020-mut inuit 2000-it sinnerlugit netværkini 456-ini siammarsimasut. Misissuineq julimi 2020-mi saqqummersinneqarpoq, inerneratalu takutippaa inuit 123-t katillutik Kalaallit Nunaanni atorfinni 701-ini inissimasut, netværkit qitiisut 79-iusut akornanni. TIG ilisimatuunut siunersiuqataavoq. Inuttalersorneqarnerini kalaallisut, qallunaatut imaluunniit oqaatsit tamaasa atorneraat nalilersorneqanngilaq. Netværkit aamma pisortatiguunngitsut ilanngunneqanngillat, soorlu ilaqutariinnerit imaluunniit kikkut timersortarfimmi naapittarnersut. TIG isumaqarpoq Kalaallit Nunaanni atorfiit pissaaneqarfiusut kikkunnit inut-taqarnerisa allattorneqarnerat inuit oqartussaaqataaneranut pitsaasuusooq, TIG-llu pingaartissimavaa misissuinerup inernera pingarneq tassaasooq pissaaneq angingaatsiartoq inunnit amerlavallaanngitsunit tigummineqartoq oqaatigineqarsinnaasooq. Nunami inuttoorsuunngitsumi inoqartuasaaq pingaarutilinnik arlalinnik inissisimaffilinnik, ajoqutaali unaavoq kammalaatersornernumt ilimassusia allisarmat,

pissaanerup taama inunnut ikitsigisunut agguataarneqarsimatillugu, suliaqarfiimmi assigiinngitsut akimorlugit nammineq soqutigisat aaqjissuunneqarsinnaammata imminullu iluaqutissanngorlugit. Siulittaasooq suliaq pillugu KNR-imut julimi ima oqaaseqarpoq.³

UMIATSIAAQANUT TAPIINERMUT TUNNGATILLUGU SULIAQ

Septembarimi Transparency International Greenlandip suliaq angallatisinermi politikerinut tapiissutinut tunngasooq oqaaseqarfigaa. Politikerit nammineq tapiissutinut qinnuteqarnissaminut ajornannginnerulersitsisumik inatsisiliorpata, taava tamanna isornarpoq. Aamma ajornartorsiutavaoq politikerit allaffeqarfissuarmi tapiissutinik suliaqartut akornanniittarnerat, tassami suliap suliarineqarnerani sulisooq allatut iliorarsinnaajunnaarsinneqarsinnaavoq. Politikerit immikkut akisussaaffeqarput Namminersorlutik Oqartussani aningaasanik taperneqarnissamullu periarfissamik ajunngitsumik aqutsinissaminut. Siulittaasup tullia Anita Hoffer KNR-imut Sermitsiamullu oqaaseqarpoq, TIG-llu innersuussutigaa angallatinut tunngasumut suliaq misissorneqassasooq. Taassuma saniatigut TIG-p innersuussutigaa politikerinit nuimanernit qinnuteqaatit inunnit amerlanernit suliarineqartarnissaat immikkoortitsisoqannginniassammat.

SUIAASSUTSIKKUT IMMikkoortitsineq

2020-mi nalunaarusiaq angisooq Transparency Internationalimit saqqummiunneqarpoq ateqartooq "Breaking the silence around sextortion". Oqaaseq 'sextortion' isumaqarpoq kinguaassuutit tunngavigalugit pissaanermik atornerluineq. Tamanna pilersarpoq inuit pissaanillit pissaaneqarfigisaminik kinguaassuutitigut atornerluigaangata. Nalunaarusiami pinerlulluni iluanaarniapilunnerup sextortion-illu imminnut ataneri eqqartorpai, taamatullu suaassutsikkut immikkoortitsisarnermik aamma sextortion-imik sammisaqarnerup kinguneraa Global Corruption Barometer-imut apeqquutit ilaasa aamma suaassutsikkut immikkoortitsiner-mut sextortion-imullu tunnganeri. Suliffeqarfimmi pissaanillit pissaaneqanngitsullu akornanni suaassutsikkut immikkoortitsisoqaraangat tassaasarpooq peqquserlulluni iluanaarniapilunneq. Aningaasatigut kinguaassuutitigulluunniit iluanaarniarneq tunngaveqaraluarpuunniit tassaavoq peqquserlulluni iluanaarniapilunneq. Kalaallit Nunaanni Global Corruption Barometerimik akisut amerlanerit isumaqarput inuit pissaanillit pissaanerminnik atornerluullutik kinguaas-

³ <https://knr.gl/kl/nutaarsiassat/transparency-pissaanermut-tunngasut-pingaartullit-nalunaarusiami-gulaajarneqarput>

siutitut tunngasunik iliuseqartartut. Inernerit taakku 2020-p naalernerani KNR-imi saqqummiunneqarput.

NIPISAT SUAANNUT TUNNGATILLUGU SULIAQ-SULIAMUT ATTUUMASSUTEQANNGINNEQ

Aasaanerani nipisat suaannut tunngatillugu suliaq tusagassiutitkooqattaarpoq.

Suliaq pineqartoq pillugu, Naalakkersuisut Siulittaasuat Kim Kielsen, nipisat suaannik qaffaanermit tunngatillugu suliamut attuumassuteqarpallaarsimanersoq TIG oqaaseqarumangilaq. Anita Hoffer, Siulittaasup tullia, tusagassiutitut sulianut attuumassuteqarpallaarneq pillugu oqaaseqarpoq. "Akuusut tamarmik sapinngisaq tamaat ammasuunissaq pingaartittariaqarpaat. Tamarmik soqutigisariaqarpaat ilumut taamaattoqarsimanersoq misissorneqartariaqartoq. Uagut taamaallaat nilliaatigisinnaavarput sapinngisaq tamaat suliani taamaattuni ammasumik periuseqartoqarnissaa. Pissutsit misissorneqartarniarlik, soorunami taamaattoqartarnissaanik isumaqarpugut," taama oqarpoq.

TIG: Habilitet skal undersøges åbent

Transparency international Greenland beder om åbenhed i sager om inhabilitet. Både for samfundets skyld, men også for de involverede parter, så der er klare linjer.



PIFFISSAQ UNINNGAFFIK AAMMA SULILERSERIASAARTARNERIT

Naalakkersuisoqarfimmi pisortaaneerusimasup aatsitassariorfimmi pisortatut sulilersinneqarneranut atatillugu TIG-p erseqqissaqqippaa suliaq pineqartoq pillugu oqaaseqarsinnaanani, taamaakkaluarterli suliffimmit suliffimmut nuunnermi uninngasoqartarnissaanik (karensperiode) apeqqut qaqqipparput. "Sulilernissamat isumaqatigiissutip pissarsiarineqarneranit sulilernissap atuutlernissaanut piffissami tatiginassuseq ajornartorsiutaasinnaavoq. Kalaallit Nunaanni allaffeqarfissuarmi qaffasissumik suliffeqareerluni ullormiit ullormut privatimik ingerlanneqartumi suliffeqarfimmi qaffasissumik suliffeqalersinnaanerup killilersorneqarnissaa kisaatigutsigu, taava malittarisassioqarsinnaavoq anguniakkanik assigiinngitsunik anguniagaqartoqarnissaanik mil-

lisaasinnaasunik. TIG isummanik eqqartuinissaminut pia-reersimavoq," taama oqarpoq siulittaasoq Biritá í Dali.

Periarfissaasinnaavoq pisortaqarfimmi sulisunut ukiuni marlunni sulinngikkallartarnissaq (karensperiode) – tassa imaappoq politikerit atorfillillu pisortaqarfimmi sulinerminni suliarisimasaminut tunngasuni suliffeqarfimmi privatini suliffittaarsinnaassanngitsut.

INATISARTUT

2019-imi Inatsisartut upernaakkut ataatsimiinnerminni aalajangiiffisassatut siunnersuutit pingasut akueraat, Naalakkersuisut peqquneqarlutik misissuissasut qanoq ililluni peqquserlulluni iluanaapilunniarnerup akiorniarneqarnera qanoq pitsanngorsarneqarsinnaanersoq aamma whistle-blowereqarnermik aqqissuussinermik atuineq qanoq siuarsarneqarsinnaanersoq. Inatsisinut Ataatsimiititaliap isumaliutissiissutimini⁴ Global Corruption Barometer-imit aamma TIG-p misissueqqissaarneranit issuaavoq, Kalaallit Nunaat FN-ip isumaqatigiissutaanik⁵ atuutsitsissaguni qanoq iliusanersoq. Naalakkersuisut kingorna Nordic Consulting Group A/S qinnuigaat Kalaallit Nunaanni sumulluunniit attuumassuteqanngitsumik innarligassaanninnermik misissuinermik suliaqaqqullugu. Nalunaarusiap imarissavai innersuussutit qanoq ililluni peqquserlulluni iluanaapilunnerup akiorneqarnera nukittorsarneqarsinnaanersoq, peqquserlulluni iluanaapilunniartoqannginnissaanik immikkortortamik sumulluunniit attuumassuteqanngitsumik pilersitsineq, peqquserlullunilu iluanaapilunniarneq akiorniarlugu inatsimmik saqqummiisoqarnerata iluaqutissartaanik akornutissartaanillu nassuiaammik aamma imaqaassaaq, inatsimmi peqquserlulluni iluanaapilunniarnerup akiorneqarneranut iliuutsit ataatsimoortinneqassaput. Nordic Consulting Group suliniarnermut aqutsisoqatigiinnik pilersitsippat, tasanilu ilaatigut TIG peqataavoq. TIG nalunaarusiaq pillugu kingorna tusarniaanermit akissuteqarpoq. Nalunaarusiaq kiisami martsimi 2021-mi saqqummerninneqarpoq linkimilu ataaniittumi nassaarineqarsinnaalluni.⁶

Aalajangiiffisassatut siunnersuutit 2020-mi suliarineqanngillat. TIG-p oqaluuserisassaq pillugu Inatsisartut suliaqarnerat malinnaaffigeqqissaarpaa.

4 https://ina.gl/dvd/FM2019//pdf/media/2541263/pkt49_em2018_bf33_antikorruption_bet_2beh_da.pdf

5 *Hvilke udfordringer møder Grønland, når FN's konvention mod korruption træder i kraft for Grønland?* www.transparency.gl

6 <https://naalakkersuisut.gl/~media/Nanoq/Files/Attached%20Files/Finans/DK/Integritetsstudie/Korrektur%C3%A6st%20Final%20NIS%20Gr%C3%B8nland%2020%2011%202020>

2020-MI SAMMISAT

NUNAP ILUANI ATAATSIMIINNEQ

Transparency International, nunap iluani ataatsimiinneq maj 2020



ATAATSIMERSUARNEQ

Ataatsimersuarneq maajip 28-ani 2020-mi ingerlanneqarpoq. Ukiumut naatsorsuutit ineneri, missingersuut iliuusissatullu pilersaarut akuerineqarput. Ataatsimiinnilersaarut, ukiumoortumik nalunaarut ukiumoortumillu nalunaarusiaq TIG-p nittartagaani nassaarineqarsinnaapput.

ILAASORTANUT OQALLITSITSINEQ

Kalaallit Nunaat coronap ajornartorsiorfitsinerata nalaani qulequtaralugu maajip 28-ani oqallitsitsisoqarpoq. Killilersuutigitiinneqartut tunngaviatigut pisinnaatitaaffitsinni atuippat tamat oqaasissaqartitaanerit sanngiillitippaat kiisalu naammattumik ammasumik periuseqartoqarpa? Saqqummiisut tassaapput Transparency International Danmarkimi siulittaasoq, Jesper Olesen, Anita Hoffer, taamanikkut TIG-mi siulittaasoq aammalu Sara Olsvig, Inuit pisinnaatitaaffii pillugit Siunnersuisoqatigiit Siulittaasuat.

TIG-P AVATAANI SAQQUMMIINERIT

Nuuk Rotary Clubbimi Nuummilu Sulisitsisuni 2020-p ukiaagaa TIG pillugu saqqummiisoqarpoq. TIG-p siulersuini ilaasortaaniit saqqummiussinerit ingerlanneqarput.

GLOBAL CORRUPTION BAROMETER 2020 – QANOQ PEQQUSERLUTTOQARTARTIGINERANIK TAKORLUUJINERMUT UUTTUUT 2020

Global Corruption Barometer tassaavoq nunani tamalaani inunnik isumasiuneq 2003-miilli Transparency Internationalip ingerlannikuusaa. Kalaallit Nunaat siullermeerluni 2016-mi peqataavoq. 2020-mi peqataaqqinnissamat aningaasaliinerit qulak-

keerneqarsinnaasimapput. Inuit 707-t tamat isumaannik taku-titsisut oktobari/novembarimi oqaarasuaatikkut HS-Analysemit apersorneqarput. Apersuineri Transparency Internationalip sinaakkutigisartagai atorneqarput. Misissuineri paasissutissat katersorneqartut Berlinimi allaffeqarfimmut tunniunneqarput nunarsuaq tamakkerlugu nalunaarusiasamat ilanngunneqarsinnaaniassammata. Kalaallit Nunaannit inerniliussat pingaarnert 2021-mi avammut saqqummiunneqassapput.

ANNUAL MEMBERSHIP MEETING 2020

Transparency Internationalimi ukiumoortumik ataatsimiinneq qaraasiakkut ingerlanneqarpoq novembarip 5-niit 8-ata tungaanut. Birita í Dali Bodil Karlshøjlu peqataapput. Birita siulittaasutut TIG sinnerlugu taasisinnaatitaavoq. Ukiunut tulliuuttunut pingasunut siulittaasutut qinigaqqippooq Delia Ferreira Rubio siulittaasullu tulliatut Ruben Lifuka qinigaqqillunittaaq.

Ataatsimiinnermi pingaarnertut sammineqarpoq TI-p nunarsuaq tamakkerlugu peqquserlulluni iluanaarniarnerup akiornissaanut iliuusissuaa 2021-2030-mut Holding Power to Account-ip akuerinissaa.

Aalajangersakkat arlaqartut akuerineqarput, ilaatigut siunissami iliuusissanut tunngasut marluk. Siunissami TI-p Covid-19, akiuussusersuineq, katsorsaaneq nunarsuarlu tamakkerlugu Youth Integrity Work aqutugalugu inuusuttunik peqataatitsinisaq sulissutigissavaa.



SOQUTIGINNITTUNIT MISISSUINEQ PERIUSISSIORNERLU PILLUGU WORKSHOPERTITSINERIT

2021-mi peqatigiiffik ukiut qulinngortorsiusaaq immikkoortortaarfittut akuerisaammalli. Nutaamik periussissiornerlunissatinnut toqqammavissaqarlularusulluta peqatigiiffiup qanoq ingerlanerani soqutiginnittut isiginninnerat paasisaqqarfigerusussimavarput. Taamaattumik septembarip oktobarillu ingerlanerani TIG

soqutiginnittunit misissueqqissaarisimavoq soqutinnittunit 17-nik suliniaqatigiiffinit, sulffeqarfinit, pisortanit, ilinniarfeqarfinit tusagassiuutiniillu assigiinngitsuneersunik apersuillutik. Tamatuma kingorna oktobarimi ulluni marlunni periusissiorluta isumasioqatigiisitsivugut nangillugulu januarimi siulersuisuni ataatsimiilluta. TIG-p 2021-2025-mut iliuusissatut pilersaarussiaa apriliimi 2021-mi saqqummiunneqassaaq.

**USA-P DANMARKIMI AALLARTITAQARFIAT
ATAATSIMEEQATIGINEQARPOQ**

US Embassymiit pulaartut



Birita í Dali

Siulersuisut immikkut ilisimasalittut marlunnik ilaasortaati-
taqarput taasisinnaatitaanngitsunik: Anne Mette Erlandsson
Christiansen aamma Thomas Trier Hansen.

2020-p naanerani Transparency International Greenlandimi
ilaasortat: inuunnaat ilaasortat 47-t suliffeqarfillu ilaasortat
20-t.



Birita, Bodil, Eavan Cully, Malou Celandar.


SULINIAQATIGIIFFIK

Siulersuisut Inuttalersorneqarneri

Ataatsimersuarnerup kinguninngua nuunneq pequtugalugu
siulersuisuni ilaasortaq Klaus Kuch Jensen siulersuisuniit
anikuuvoq, sinniussarlu Christian P. Jeremiassen siuler-
suisunut ilaasortanngorluni. Siulersuisunut ilaasortaq Sara
Olsvig ukiakkut kingusinnerusukkut siulersuisuniit anissal-
luni aalajangerpoq.



Siulersuisut, juini 2020



2020-MI PISUT

- **Maaji:** nunap iluani TI ataatsimiisitsivoq qarasaasiakkut. Coronap nalaani kiffaanngissuseqarnermik pisinnaatitaaffiit pillugit ilaasortanik ataatsimiisitsineq. Ataatsimersuarneq.
- **Juuni:** Nunarsuarmi Oqaatilliisnaatitaasut Ulluat Facebookikkut malunnartinneqarpoq
- **Juuli:** Misissuineq "Kalaallit Nunaanni inuit pissaaneqarnerpaat" saqqummiunneqarpoq
- **Oktoberi:** Ilaasortanut pikkorissaaneq Suliffeqarfiit peqquserlullunilu iluanaarniarneq. Siulersuisut periusissiorlutik isumasioqatigiisitsipput.
- **Novembari:** GE Nuummuot Rotarymullu saqqummiussinerit. Transparency International ukiumoortumik ataatsimiisitsivoq Berlinimiit nittartakkatigut peqataaffigineqartumik.
- **Decembari:** Peqquserluliuunnginnissaq pillugu Naalagaaffiit Peqatigiit nunanut tamalaanut ullorititaa Nunatta Nipaani malunnartinneqarpoq. GCB-miit inernerit TI-mut tunniunneqarput. GCB-miit inernerit suaassutsikkut immikkoortitsinerit tunngasut KNR-mut saqqummiunneqarput.

TRANSPARENCY INTERNATIONAL

NUNARSUAQ TAMAKKERLUGU PEQQUSERLULLUNI ILUANAAPILUNNIARNERUP AKIORNIARNERANUT SULINIAQATIGIIFFIK


Transparency Internationalip takorluugaraa nunarsuarmi naalakkersuisut, politikki, inuussutissarsiutit, inuit qinersiartut inuillu ulluinaanni peqquserlulluni iluanaapi-lu-fiuunngitsut, qaffasissutini immikkoortunilu tamani ammasuunissamik, akisussaassuseqarnissamik innarligassaann-ginnermillu siuarsaanermigut. Suliniaqatigiiffik nunarsuaq tamakkerlugu 100-t sinnerlugit immikkoortorta-qarfeqarpoq 'chapters'-inik taaguutilinnik. Berlinimilu nunat tamalaat akornanni allattoqarfeqarluni. TI-p peqquserlulluni iluanaapilunniarnermik ajornartorsiutit uppernarsartarpai uparuartarlugillu, peqquserlullunilu iluanaapilunniarnerup akiornissaanut periutsit atuutsilernissaannut naalakkersuisunik, inuussutissarsiortunik inunnillu suleqateqartarluni.

Nuna tamakkerlugu chaptersit tassaapput suliniaqatigiiffiit sumulluunniit pituttorsimangitsut, nunaminni nalunaarsorsimasut TI-mullu atassuteqartut. Immikkoortorta-qarfiit ta-

marmik immikkut siulersuisoqartarput ilaasorta-qarlutillu, anguniagaqartarlutik, suliniuteqarlutillu namminnerlu aningaasalersorneqarnissaminnik akisussaasuusarlutik. TI-p Berlinimi allattoqarfiata chapterit ilisimasanik atortussanillu ikiortarpai (soorlu Corruption Perception Index, Global Corruption Barometer, NIS-metoden il.il.), suliniutinulli taak-kununnga aningaasaliisarnani. Nunat tamalaat akornanni allattoqarfiup aamma aqqissortarpai ukiumoortumik nunat immikkoortuinut nunarsuarmilu ataatsimiinnerit, ataatsimiinnernilu chapterit misilittakkaminnik paarlaasseqatigiit-tarput, nutaanik suleqatigiiffiliortarlutik TI-milu ilisimatusar-neq, suliniutit inernerillu pillugit ilisimasat nutaat eqqartor-tarlugit.

Transparency International Greenland (TIG) aqqissuussaa-nermut tassunga ilaavoq TI-llu takorluugaanik tapersiilluni.

TRANSPARENCY INTERNATIONALIP 2030-MUT ILIUSISSATUT PILERSAARUSIAA



Periusissiorluni isumasioaqatigiinnermut peqataasut (siulersuisut, immikkut ilisimasallittut ilaasortaq allatseqarfillu)

ANINGAASAATEQARFIIT TAPISSUTILLU

- Grønlandsbankenip Inuusutissarsionnermut Aningaasaateqarfia Allaffeqarfiup ingerlanneqarneranut suliniutinillu ingerlatsinermut 125.000 koruuninik tapiissuteqarpoq.
- Tips & Lotto Pulje C; 90.000 kr. ingerlatsinermut ininik attartuinernullu.
- Tips & Lotte Pulje C; Global Corruption Barometerimut 82.500 kr.
- GrønlandsBANKEN; 10.000 kr. Global Corruption Barometerimut
- Royal Greenland; 5.000 kr. Global Corruption Barometerimut
- Tele Greenland; allaffeqarfimmi akeqanngitsumik internetimut attaveqarneq.
- Grønlands Erhverv; Assistance til bogføring.
- Kommuneqarfik Sermersooq; ataatsimersuarnermi toqqaannartumik nutserineq

